

唐人說薈

濟蒼題籤



唐人說本

卷之四

酉陽雜俎卷下

唐 段成式撰

飲酒者肝氣微則面青心氣微則面赤也

脉勇怒而面青骨勇怒而面白血勇怒而面赤

山氣多男澤氣多女水氣多暗風氣多聾木氣多偃石氣多力阻險氣多癭暑氣多殘雲氣多毒谷氣多痺邱氣多尪行氣多仁陵氣多貪

百體中有懸針書垂露書秦王破冢書金鵲書虎爪書倒薤書偃波書信幡書飛帛書籀書篆一日篆書制書列書日書月書風書署書蟲食葉書胡書蓬書天竺書楷書橫書芝英隸鐘隸鼓隸龍虎篆麒麟篆魚篆蟲篆鳥篆鼠篆牛書兔書草書龍草書狼書犬書鷄書震書反左書行押書檄書景書半草書

歷城北一里有蓮子湖周環二十里湖中多蓮花紅綠間明乍疑濯錦又漁船掩映岩簷疏布遠望之者若蛛網浮杯也魏袁翻曾在湖醺集泰軍張伯瑜諮公言向為血羹頻不能就公曰取洛水必成也遂如公語果成時清河王怪而異焉乃諮公未審何義得爾公曰可思湖目清河笑而然之而實未解坐散語主簿房叔道曰湖目之事吾實未曉叔道對曰藕能散血湖目蓮子故令公思清河歎曰人不讀書其猶

夜行二毛之叟不如白面書生

王彥威尚書在汴州二年夏旱時袁王傅李玘寓汴因宴王以旱為言李醉曰欲雨甚易耳可求蛇醫四頭十石甕二枚每甕實以水浮二蛇醫以木蓋密泥之分置於閑處甕前後設席燒香選小兒十歲以下十餘令執小青竹晝夜更擊其甕不得少輟王如言試之一日兩夜雨大注舊說龍與蛇師為親家焉

庾信作詩用西京雜記事旋自追改曰此吳均語恐不足用也魏肇師曰古人託曲者多矣然鸚鵡賦稱衡潘尼二集並載奕賦曹植左思之言正同古人用意何至於此君房曰詞人自是好相採取一字不異良是後人莫辨魏尉瑾曰九錫或稱王莽六代亦言曹植信曰我江南才士今日亦無舉世所推如溫子升獨擅鄴下常見其詞筆亦足稱是遠名近得魏收數卷碑製作富逸特是高才也

梁遣黃門侍郎明少遐秣陵令謝藻信威長史王纘冲宣城王文學蕭愷兼散騎常侍袁狎兼通直散騎常侍賀文發宴魏使李騫崔劼溫良畢少遐詠騫贈其詩曰蕭

蕭

蕭一日風簾舉依然可想騫曰未若燈花寒不結最附時事少遐報詩中有此語

劼問少遐曰今歲奇寒江淮之間不乃冰凍少遐曰在此雖有薄冰亦不廢行不似河水一合便勝車馬狎曰河冰上有狸跡便堪人渡劼曰狸當為狐應是字錯少遐曰

是孤性多疑。馳性多豫。狐疑猶豫。因此而傳耳。劫曰。鵲巢避風。雉去惡政。乃是鳥之一長。狐疑馳豫。可謂獸之一短也。

梁徐君房勸魏使尉瑾酒。一噲卽盡。笑曰。奇快。瑾曰。卿在鄴飲酒。未嘗傾卮。武州以來。舉無遺滴。君房曰。我飲實少。亦是習慣。微學其進。非有由然。庾信曰。庶子年之高卑。酒之多少。與時升降。便不可得而度。魏肇師曰。徐君年隨情少。酒因境多。未知方十復作。若為輕重。

梁宴魏使。魏肇師舉酒勸陳昭曰。比席已後。便與卿少時阻濶。念此甚以悽眷。昭曰。我欽仰名賢。亦何已也。路中都不盡深心。便復乖隔。泣歎如何。俄而酒至。鸚鵡杯。徐君房飲不盡。屬肇師。肇師曰。海蟲蛇虵。尾翅皆張。非獨為玩好。亦所以為罰。卿今日真不得辭責。信曰。庶子好為術數。遂命更滿酌。君房謂信曰。相持何乃急。肇師曰。此謂直道而行。乃非豆萁之喻。君房乃覆碗。信謂瑾。肇師曰。適信家餉致濡。醉酒數器。泥封全。但不知其味。若何。必不敢先嘗。謹當奉薦。肇師曰。每有珍藏。多相費累。顧更以多慚。

寧王常獵于鄆縣界。搜林忽見草中一櫃。扁鎖甚固。王命發視之。乃一少女也。問其所自。女言姓莫氏。叔伯庄居。昨夜遇光火賊。賊中二人是僧。因劫某至此。動婉含嚔。

冶態橫生。王鷲悅之。乃載以後乘。時慕學者方生。獲一熊。置櫃中。如舊鎖之。時上方求極色。王以莫氏衣冠子女。卽日上之。具其所由。上令充才人。經三日。京兆奏鄠縣食店有僧二人。以錢一萬獨賃店。一日一夜。言作法事。唯舁一櫃入店中。夜久。腦膊有聲。店戶人怪。曰。出不啟門。撤戶視之。有熊衝人走出。二僧已死。骸骨悉露。上知之大笑。書報寧王。寧哥大能處置此僧也。莫才人能為秦聲。當時號莫才人轉馬。一行公本不解奕。因會燕公宅。觀王積薪棋一局。遂與之敵。笑謂燕公曰。此但爭先耳。若念貧道四句承除語。則人人為國手。

歷城房家園。齊博陵君豹之山池。其中雜樹森疎。泉石崇邃。歷中板楔之勝也。會有入折其相枝者。公曰。何謂傷吾鳳條。自後人不敢復折。公語參軍尹孝逸曰。昔李倫金谷山泉。何必踰此。孝逸對曰。曾詣洛西遊其故所。彼此相方。誠如明教。孝逸常欲還艱詞。人餞宿於此。逸為詩曰。風淪歷城水。月倚華山樹。時人以此兩句。比謝靈運池塘十字焉。

魏僕射收臨代。七月七日登舜山。徘徊顧眺。謂主簿崔曰。吾所經多矣。至於山川沃壤襟帶形勝。天下名州。不能過此。惟未審東陽何如。崔對曰。青有古名。齊得舊號。二處山川形勢相似。曾聽所論。不能踰越。公隨命筆為詩。於時新故之際。司存缺然。求

筆不得乃以五伯杖畫堂北壁為詩曰述職無風政復路阻山河還思麾蓋日留謝此山阿

梁宴魏使李騫崔劼樂作梁舍人賀季曰音聲感人深也劼曰昔申喜聽歌愴然知其母理實精妙然也梁主客王克曰聽音觀俗轉是精者劼曰延陵昔聘上國實有觀風之美季曰卿發此言乃欲挑戰騫曰請執鞭弭與君周旋季曰未敢三舍劼曰數奔之事久已相謝季曰車亂旗靡恐有所歸劼曰平陰之役先鳴已久克曰吾方欲館穀而旌武功騫曰王夷師燿將以誰屬遂共大笑而止樂欲訖有馬數十匹馳過未有聞人騫曰巷伯乃同趣馬詎非侵官季曰此乃貌似劼曰若值袁紹恐不能免

王勃每為碑頌先墨磨數升引被覆面而卧忽起一筆書之初不竄點時人謂之腹藁少夢人遺以丸墨盈袖

李白名播海內元宗於便殿召見神氣高朗軒軒然若霞舉上不覺亡萬乘之尊因命納履白遂展足與高力士去靴力士失勢遽為脫之及出上指白謂力士曰此人固窮相白前後三擬詞選不如意悉焚之唯留恨別賦及祿山反製胡無人言太白八月敵可催及祿山死太白蝕月眾言李白唯戲杜考功飯潁山頭之句段成式見

李白祠亭上宴別杜考功詩。今錄首尾曰：我覺秋興逸，誰言秋興悲。山將落日去，水共晴空宜。烟歸碧海久，雁度青天時。相失各萬里，茫然空爾思。

薛平司徒常送太僕卿周皓上諸色人。吏中來有一老人八十餘，著緋。皓獨問君屬此司多少時。老人言某本藝正傷折，天寶初高將軍即君被人打下領骨脫，某為正之高將軍賞錢千萬，兼特奏緋。皓因領遣之。唯薛覺皓顏色不足，伺客散獨留，從容謂周曰：向卿問著緋老吏，似覺卿不悅何也。皓驚曰：公用心如此精也。乃去僕邀薛宿曰：此事長可緩言之。某年少常結豪族為花柳之遊，竟畜亡命，訪城名姬如蠅襲羶，無不獲者。時靖恭坊有姬字夜來，稚齒巧笑，歌舞絕倫。貴公子破產迎之，予時數輩富於財，更擅高會。一日其母白皓曰：某日夜來生日，豈可寂寞乎。皓與往還，竟求珍貨，合錢數十萬，樂工賀懷智、紀孩孩皆一時絕手。肩方合，忽覺擊門聲，皓不許開，良久折闥而入。有少年紫裘，騎從數十，厲詬其母。母與夜來泣拜，諸客將散。皓時氣方剛，且恃扛鼎，顧從者敵，因前讓其怙勢，攘臂毆之，踣于拳下。遂突出，時都亭驛所由魏貞有心義，好養私名。皓以情投之，貞乃藏於妻女間。時有司追捉急切，貞恐蹤露，乃夜辦裝腰其白金數挺，謂皓曰：汴州周簡老義士也，復與郎君當家，今可依之。且宜謙恭不怠。周簡老蓋大俠也。見魏貞書其喜，皓因拜之為叔。遂言狀。簡老命居

一船中。戒無妄出。供與極厚。居歲餘。忽聽船上哭泣聲。皓潛窺之。見一少婦縞素甚美。與簡老相慰。其夕。簡老忽至。皓處問君婚未。某有表妹嫁於甲。甲卒無子。今無所歸。可事君子。皓拜謝之。卽夕。其表妹歸。皓有女二人。男一人。猶在舟中。簡老忽語皓事已息。君貌寢必無人識者。可遊江淮。乃贈百餘千。皓號哭而別。簡老尋卒。皓官已達。簡老表妹尚在。兒娶女嫁。將四十餘年。人無所知者。適彼老吏言之。不覺自媿。不知君子察人之微。有人親見薛司徒說之也。

明皇封禪泰山。張說為封禪使。說女壻鄭鎰。本九品官。舊例封禪後。自三公以下皆遷轉一級。惟鄭鎰因說驛遷五品。兼賜緋服。因大酺次。元宗見鎰官位騰躍。恠而問之。鎰無詞以對。黃幡綽曰。此泰山之力也。

于襄陽頓在鎮時。選人劉某入京。逢一舉人。年二十許。言語明悟。同行數里。意甚相得。因藉草。劉有酒。傾數盃。日暮。舉人指支逕曰。某弊止從此數里。能左顧乎。劉辭以程期。舉人因賦詩。流水涓涓芹芳吐。日芽織鳥雙飛客還家。荒村無人作寒食。殯宮空對棠梨花。至明年。劉歸襄州。尋訪舉人。殯宮存焉。

顧況喪一子。年十七。其子魂遊恍惚如夢。不離其家。顧悲傷不已。因作詩吟之。且哭。詩云。老人喪其子。日暮泣成血。老人年七十。不作多時別。其子聽之感慟。因自誓。忽

若作人當再為顧家子。經日如被人執至一處。若縣吏者。斷令託生顧家。復都無所知。忽覺心醒。開目認其屋宇。兄弟親滿側。唯語不得。當其生也。已後又不記。年至上七歲。其兄戲批之。忽曰。我是爾兄。何故批我。一家驚異。方敘前生事。歷歷不悞。弟妹小名。悉遍呼之。抑知羊叔子之事。非怪也。卽進士顧非熊。成式常訪之。涕泣為成式言。釋氏處胎經。言人之住胎。與此稍差。

相傳云。釋道欽住徑山。有問道者。率爾而對。皆造宗極。劉忠州晏嘗乞心得。令執鑪而聽。再三稱諸惡莫作。眾善奉行。晏曰。此三尺童子皆知之。欽曰。三尺童子皆知之。百歲老人行不得。至今以為名理。予讀梁元帝雜傳云。晉惠末。洛中沙門耆域。蓋得道者。長安人。與域食於長安寺。流沙人與域食於石人前。數萬里。同日而見。沙戒竺法行。嘗稽首乞言。域升高坐曰。守口攝意。心莫犯規。竺語曰。得道者當授所未聽。今有八歲沙彌。亦以誦之。域笑曰。八歲而致誦。百歲不能行。嗟乎。人皆敬得道者。不知行卽是得。

相傳云。韓晉公滉在潤州。夜與從事登萬歲樓。方酣。置杯不說。語左右曰。汝聽婦人哭乎。當近何所。對在某街。詰朝。命吏捕哭者。訊之。信宿獄不具。吏懼罪。守於屍側。忽有大青蠅。集其首。因發髻驗之。果婦私於隣。醉其夫而釘殺之。吏以為神。吏問晉公。

晉公云。吾察其哭聲疾而不悼。若強而懼者。王充論衡云。鄭子產晨出。聞婦人之哭。拊僕之手而聽。有間。使吏執而問之。卽手殺其夫。異日其僕問曰。夫子何以知之子產曰。凡人於其所親愛。知病而憂。臨死而懼。已死而哀。今哭已死而懼。知其姦也。續齊諧記云。許彥於綏安山行。遇一書生。年二十餘。卧路側云。足痛求寄鵝籠中。彥戲言許之。書生便入籠中。籠亦不廣。書生與雙鵝並坐。負之不覺重。至一樹下。書生乃出籠。謂彥曰。欲薄設饌。彥曰甚善。乃于口中吐一銅盤。盤中海陸珍羞。方丈盈前。酒數行。謂彥曰。向將一婦人相隨。今欲召之。彥曰甚善。遂吐一女子。年十五六。容貌絕倫。接膝而坐。俄書生醉卧。女謂彥曰。向竊一男子同來。欲暫呼願君勿言。又吐一男子。年二十餘。明格可愛。與彥叙寒溫。揮觴共飲。書生似欲覺。女復吐錦行障。障書生。久而書生將覺。女又吞男子。獨對彥坐。書生徐起。謂彥曰。暫眠。遂久留君。日已晚。當與君別。還復吞此女子。及諸銅盤悉納口中。留大銅盤於彥。曰。無以藉意。與君相憶也。釋氏譬喻經云。昔梵志作術。吐出一壺。中有女與屏。處作家室。梵志少息。女復作術。吐出一壺。中有男子。復與共卧。梵志覺。次第互吞之。柱杖而去。余以吳均嘗覽此事。訝其說以爲至怪也。

相傳天寶中。中岳道士顧元績。嘗懷金遊市中。歷數年。忽遇一人。強登旗亭。扛壺盡

醉日與之熟一年中輸數百金其人疑有為拜請所欲元績笑曰子燒金丹八轉矣要一人相守忍一夕不言則濟吾事予察君神靜有膽氣將煩君一夕之勞或藥成相與期於太清也其人曰死不足酬德何至是也遂隨入中岳上峯險絕巖中有丹竈盆乳泉滴漉亂松閉景元績取乾飯食之卽日上章封剋及暮授其一板云可擊此知更五更當有人來此慎勿與言也其人曰如約至五更忽有數鐵騎呵之曰避其人不動有頃若王者儀衛甚盛問汝何不避令左右斬之其人如夢遂生於大賈家及長成思元績不言之戒父母為娶有三子忽一日妻泣君竟不言我何用兒女為遂次第殺其子其人失聲豁然夢覺鼎破如震丹已飛矣釋元裝西域記云中天婆羅庵斯國鹿野東有一涸池名救命亦曰烈士昔有隱者於池側結庵能令人畜代形瓦礫為金銀未能飛騰諸天遂築壇作法求一烈士曠歲不獲後遇一人於城中乃與同遊至池側贈以金銀五百謂曰盡當來取如此數返烈士屢求効命隱者曰祈君終夕不言烈士曰死盡不憚豈徒一夕屏息乎於是令烈士執刀立于壇側隱者按劍念咒將曉烈士忽大呼空中火下隱者疾引此人入池良久出詰其違約烈士云夜分後惛然若夢見昔事主公來慰諭忍不交言怒而見害託生南天婆羅門家住胎備嘗艱苦每思恩德未嘗出聲及娶生子喪父母亦不語年六十五妻忽

怒手劍提其子。若不言殺爾子。我自念已隔一生。年及衰朽。唯此一子。應遽止。妻不覺發此聲耳。隱者曰。此魔所為。吾過矣。烈士慙忿而死。蓋傳此之悞。遂為中岳道士。

相傳云。一公初謁華嚴。嚴命坐。頃曰。爾看吾心在何所。一公曰。師馳白馬過寺門久矣。又問之。一公曰。危乎。師何為處乎。刹末也。華嚴曰。聰明果不虛。試復觀我。一公良久。此顙面洞赤。作禮曰。師得無入普賢地乎。集賢校理鄭符云。柳中庸善易。嘗詣普寂公。公曰。筮吾心所在也。柳云。和尚心在前簷。第七題復問之。在某處。寂曰。萬物無逃於數也。吾將逃矣。嘗試測之。柳久之。瞿然曰。至矣。寂然不動。吾無得而知之矣。又說禪師本傳云。日照三藏詣說。說不迎接。直責之曰。僧何為俗入羂湫處。說微曠亦不答。又云。夫立不可過人頭。豈容標身鳥外。說曰。吾前心于市。後心刹末。三藏果聰明者。且復我。日照乃彈指數十。曰。是境空寂。諸佛從自出也。予按列子曰。有神巫自齊而來。處於鄭。命曰季咸。列子見之。心醉以告壺止子。壺止子曰。嘗試與來。以吾示之。明日列子與見壺止子。壺止子曰。嚮吾示之以地文。殆見吾杜德機也。嘗又與來。列子又與見壺止子。壺止子曰。嚮吾示之以天壤。列子明日又與見壺止子。出曰。子之先生不齊。吾無得而相馬。吾示之以太冲莫朕。嘗又與來。明日又與之見壺止子。立未定。失而走。壺止子曰。吾與之虛而猗移。因以為方靡。因以為流波。故逃也。予謂諸說悉

互竄是事也。如魯時有人百擲百盧。王衍曰。後擲似前擲矣。蓋取於列子。均後于前之義。當時人聞以為名言。人之易欺多如此類也。

諾臯記引

夫度朔司刑可以如其情狀。葆登掌祀將以著于感通。有生盡幻。遊魂為變。乃聖人定璇璣之式。立巫祝之官。考乎十煇之祥。正乎九黎之亂。當有道之日。鬼不傷人。在觀德之時。神無乏主。若列生言竈下之駒。撥莊生言戶內之雷霆。楚莊爭隨兕而禍移。齊桓覩委蛇而病愈。徵祥變化。無日無之。在乎不傷人。不乏主而已。成式因覽歷代怪書。偶疏所記。題曰諾臯記。街談鄙俚。與言風波。不足以辯九鼎之象。廣七車之對。然游息之下。足為鼓吹耳。唐太常少卿臨淄柯古段成式撰。

...

...

...

...

...

...

...

諾臯記

唐段成式撰

崑崙之墟帝之下都百神所在也

太一君諱臈天秩萬二千石

天翁姓張名堅字刺渴漁陽人少不羈無所拘忌常張羅得一白雀愛而養之夢天劉翁責怒每欲殺之白雀輒以報堅堅設諸方待之終莫能害天翁遂下觀之堅盛設賓主乃竊騎天翁車乘白龍振策登天天翁乘餘龍追之不及堅既到元宮易百官杜塞北門封白雀為上卿倭改白雀之龍不產於下土劉翁失治徘徊五岳作災堅患之以劉翁為太山太守主生死之籍

北斗魁第一星神名曰執報

一日陰

第二星曰吐諸

一作諧

第三星曰視金第四星曰拒

一作理

第五星曰防倖

一作日

第六星曰開寶

一作日

第七曰招搖始

東王公諱倪字君明天下未有人民時秩二萬六千石佩雜色綬綬長六丈六尺從女九千以丁亥日死

西王母姓鳩諱回治崑崙西北隅以丁丑日死一日婉姁

竈神名隗狀如美女又姓張名單字子郭夫人字卿忌有六女皆名察察一日洽常以